

Avis **Organisaziun** **da l'administraziun cumünala**

Il s impiegats cumünals survegnan seguaintas novas spartas da lavur:

Rico Zini - chanzlist cumünal: Correspondenza, protocols, cussagliaziuns, finanzas, persunal, fabrica (event. sclerir ün'otra soluziun), scolaziun dal giarsun
100% pensum da lavur

Men Werro - pulizist cumünal: pulizist cumünal, pulizia da fö, servezzan da telefon, fanestrigl, sector pumpiers, mess cumünal, sector pauril, protecziun civila, taxas da cura/controla d'abitants, lavurs da büro.
100% pensum da lavur

Roland Defilla – secr. d'impostas: tuottas impostas, chascha da cumpensaziun e pajas.
50% pensum da lavur

Patrizia Wieser - impiegada: lavurs da contagiari, controlla d'abitants, servezzan da telefon, fanestrigl, lavurs da secretariat, uffizi da lavur, capo secziun.
50% pensum da lavur

GiarsunA: Il Cumün as chatta in dovair da spordscher üna plazza da giarsunA.

Nomers da telefon directs

Nomer dal fax 081/861 20 70

Rico Zini/	Telefon	081/861 20 65
Patrizia Wieser:	Telefon	081/861 20 32
Roland Defilla:	Telefon	081/861 20 63
Men Werro:	Telefon	081/861 20 60
	Natel	079/236 79 63

Mario Riatsch:	Uffizi forestal	
	telefon	081/861 20 61
	Natel	079/413 05 66

Capo cumünal:	Telefon	081/861 20 66
----------------------	---------	---------------

ÿ Uras da fanestrigl!

Las uras da fanestrigl gnaran müdadas, quel avis segua plü tard.

Il Cussagl cumünal

Exposiziun

da las lavuors manualas e dals disegns
da la scoula da Sent

marcurdi, als 26 gün 2002
da las 14 -18h e da las 19 - 21h
in chasa da scoula

Concert per la fin da scoula

cun partecipaziun da tuot la scoula
e da la scoulina

gövgia, als 27 gün 02
20.00h in chasa da scoula
prouva principala:17.00h

Chanzuns

chantadas da la scoulina
e da la prüma e segunda classa,
accompagnadas al clavazin da Risch Biert

4 Nocturnos da W.A. Mozart

chantats da la terza fin nouvavla classa,
al clavazin Risch Biert

Cantata da Curdin Janett

chantada da tuot la scoula ed
accompagnada d'üna band

Entrada fr. 15.--

Tuot es amiaivelmaing invidà

gövgia, als 27 gün 02 a las 20:00h
prouva generala: 17:00h

Da dar a fit

a Sent a partir d'utuon o tenor cunvegna ün'abitaziun da 4 1/2 stanzas, plan sura, in Plazzetta.

Annunzchas piglia gugent incunter: tel.: 081/864 02 92.

Da dar a fit

Causa reorganisaziun da la cancelleria cumünala esa gnü liber ün büro.
Interessents dessan s'annunzchar pro'l Cumün da Sent: tel. 081/861 20 60.

Tirs in Urezzas

2. tir obligatoric	venderdi,	14 gün 2002	18.00 - 20.00
ultim tir obligatoric	sonda,	31 avuost 2002	14.00 - 17.00

Al tir obligatoric esa da tour cun sai il cudeschin da tir ed il fögl e l'invid da militar! Na invlidar il pro-tegia ureglias „Pamir“! Mincha tregant es svessa respunsabel dad esser a temp per pudair trar!

il comitè da la Società da tregants Sent

Urari da la biblioteca

La biblioteca es averta:

ÿ Fin als 30 gün e davo ils 1.settember:

lündeschdi:	16.00 – 17.00	gövgia:	19.00 – 20.00	sonda	16.30 – 17.30
-------------	---------------	---------	---------------	-------	---------------

ÿ Dals 1. lügl fin als 31 avuost:

lündeschdi:	19.30 – 21.00	gövgia	19.30 – 21.00	sonda	16.30 – 17.30
-------------	---------------	--------	---------------	-------	---------------

La grupp da biblioteca

Tscherchè bos-cher

L'administraziun forestala dal cumün da Sent **tschercha** pels 1. avuost 2002:

1 bos-cher diplomà

Pretaisas: Evader tuot las incumbenzas forestalas, sco eir güdar oura pro otras lavurs cumünalas e.u.i.

Salari: Seguond uorden da personal chantunal

Annunzcha: Interessents s'annunzchan in scrit cun attestats da manster e la documainta üsitada fin il plü tard als **12 lügl 2002** al Cumün da Sent, 7554 Sent, cul

Chavazzin: sülla busta: „Bos-cher“

Infuormaziuns: Administraziun forestala, Sent, tel. 081/861 20 61 opür 079/413 05 66.

Il Cussagl cumünal

Tscherchè

La grupp da gö Sent tschercha a partir da l'on da scoula 2002/03 o tenor cunvegna üna duonna/hom chi ha interess da lavurar cun uffants d'ürant 2 uras l'eivna.

Chi chi ha plaschair da sustgnair e dad accompagnar uffants ill'età da quatter ons cun gös, chanzuns, istorgias, zambriar.....as dess metter in colliaziun per ulteriuras infuormaziuns cun:

La presidenta: Seraina Riatsch 081/864 81 29

La manadra: Seraina Valentin 081/ 864 87 49

Acziun da tschireschas

L'uffizi da provedimaint maina tras quist on ün'acziun da tschireschas. (Vair placats)

Postaziuns vegnan tuttas incunter cul fögl da postaziun suotvart da subit fin **il plü tard gövgia, 20 gün 2002, a las 17.30.**

Postaziuns chi aintran plü tard **nu** vegnan plü **resguardadas.**

Fögl da postaziun per tschireschas:

Il suottascrit ordinescha quattras:

..... chaistinas tschireschas à 10 kg pel predscha da fr. 35.50 la chaistina.

Telefon:

Nom e prenom:

Uffizi da prevedimaint**Avis**

Il termin per pajar **l'imposta cumünala 2001** scrouda la fin da quist mais. Chi chi nun ha amo pajà quist'imposta dess far il bain da pajar tala fin il plü tard ils **30 giün 2002**.

Il fit da retard per pajamaints chi vegnan fats plü tard importa 5%.

Il termin per pajar **l'imposta a la funtana** pel **prüm mez on** scrouda als **30 giün 2002**. Nus giavüschain a tuots da far giò quint cul cumün fin il plü tard ils **15 lügl 2002**.

Chascha cumünala**Gratuit**

No vessan üna s-chaffa fraida da dar in regal. Chi chi's interessa pudess gnir a tour quella pro no in chasa.

Guido e Monica Loi-Roner, Fuorn 230, 7554 Sent / Tel. 081/860 09 72.